

Na osnovu čl. 135. stav (3) i 137. st. (1), (2) i (10) Zakona o visokom obrazovanju ("Službene novine Kantona Sarajevo", broj: 33/17), čl. 104. stav (2), 107. stav (1), 110. i 111. st. (1), (2) i (3) Statuta Univerziteta u Sarajevu (broj: 01-1093-3-1/18 od 28.11.2018. godine) i Odluke Vijeća Akademije likovnih umjetnosti Univerziteta u Sarajevu (broj: 03-239.2/19 od 13.03.2019. godine), **Vijeće Akademije likovnih umjetnosti, objavljuje**

JAVNI KONKURS
za izbor dekana (rukovodioca organizacione jedinice)
AKADEMIJE LIKOVNIH UMJETNOSTI UNIVERZITETA U SARAJEVU
za mandatni period 2019 – 2023.

I

Za dekana (rukovodioca organizacione jedinice) Akademije likovnih umjetnosti Univerziteta u Sarajevu može biti izabran kandidat koji treba da ispunjava sljedeće uvjete:

1. da je u radnom odnosu sa punim radnim vremenom na Akademiji likovnih umjetnosti Univerziteta u Sarajevu;
2. da je iz reda akademskog osoblja izabranog u nastavnomumjetničko ili nastavnonaučno zvanje redovni profesor, vanredni profesor ili docent;
3. da redovni profesor ispunjava obavezu utvrđenu u članu 94. stav (1) alineja g) Zakona o visokom obrazovanju;
4. da nije predsjednik ili član Upravnog odbora Univerziteta u Sarajevu;
5. da nije politički angažiran u stranačkom rukovodstvu, zakonodavnoj, izvršnoj ili sudskoj vlasti bilo kojeg nivoa;
6. da nije osuđivan za krivično djelo ili da se protiv istog ne vodi krivični postupak.

Dekan (rukovodilac organizacione jedinice) se bira na mandatni period od četiri godine, sa mogućnošću još jednog uzastopnog izbora.

II

Uz prijavu na javni konkurs zainteresirani kandidati dužni su priložiti:

1. Biografiju (CV) sa bibliografijom,
2. Opis naučnog/umjetničkog i stručnog rada,
3. Program rada za mandatni period u štampanoj i elektronskoj formi,
4. Odluku o izboru u naučnonastavno/nastavnomumjetničko zvanje redovnog profesora, vanrednog profesora ili docenta (posljednji izbor u akademsko zvanje) na Akademiji likovnih umjetnosti Univerziteta u Sarajevu;
5. Potvrdu da je u radnom odnosu s punim radnim vremenom na Akademiji likovnih umjetnosti Univerziteta u Sarajevu;
6. Potpisane i ovjerene izjave od strane nadležne općinske službe ili notara, kojima kandidat potvrđuje:
 - a) da nije politički angažiran u stranačkom rukovodstvu, zakonodavnoj, izvršnoj ili sudskoj vlasti bilo kojeg nivoa;

- b) da nije predsjednik ili član Upravnog odbora Univerziteta u Sarajevu;
- c) da uredno ispunjava obaveze utvrđene članom 94. stav (1) alineja g) Zakona o visokom obrazovanju (odnosi se samo za kandidate u naučnonastavnom ili nastavnomumjetničkom zvanju redovnog profesora).

Kandidati su obavezni potpisati prijavu na konkurs, biografiju sa bibliografijom i program rada za mandatni period.

Kandidati koji ispunjavaju uvjete za izbor dekana (rukovodioca organizacione jedinice), javno će prezentirati ponuđeni program rada na sjednici Vijeća Akademije likovnih umjetnosti Univerziteta u Sarajevu.

Kandidat koji bude izabran dužan je dostaviti:

1. Uvjerenje da nije osuđivan za krivično djelo i da se protiv istog ne vodi krivični postupak;
2. Ovjerenu izjavu da se na istog ne odnosi član IX. stav (1) Ustava Bosne i Hercegovine.

III

Konkursna dokumentacija se dostavlja u originalu ili ovjerenj fotografiji.

Prijave sa potrebnom dokumentacijom sa naznakom "*PRIJAVA NA JAVNI KONKURS ZA IZBOR DEKANA (RUKOVODIOCA ORGANIZACIONE JEDINICE) - NE OTVARAJ, OTVARA KOMISIJA*", mogu se dostaviti lično (na protokol; Biblioteka Akademije likovnih umjetnosti) ili preporučenom poštom, u zatvorenoj koverti na adresu: *UNIVERZITET U SARAJEVU, AKADEMIJA LIKOVNIH UMJETNOSTI , Obala Maka Dizdara broj 3., 71 000 Sarajevo.*

IV

Konkurs je objavljen godine, u dnevnom listu "OSLOBOĐENJE ", na web stranici Univerziteta u Sarajevu www.unsa.ba i na web stranici Akademije likovnih umjetnosti u Sarajevu www.alu.unsa.ba .

Rok za prijavu je 15 dana od dana objavljivanja u dnevnom listu "OSLOBOĐENJE".

Nepotpune i neblagovremene prijave neće se uzimati u razmatranje.

Konkursna dokumentacija neće se vraćati.

D e k a n

Prof.mr.Marina Finci